

合浦縣志

合浦縣圖書館  
藏書



00626

合浦縣革命委員會



一九七九年六月影印



中華民國三十

一年六月付印

合能總革命委員會



# 合浦縣志

民國二十年修

## 主修

合浦縣縣長國立北京大學工科學士

## 編纂

舉

人

## 參訂

合浦縣政府教育科科长  
合浦縣政府諮議庶貢生

## 採訪

林鴻材

羅宰先

勞蔣晉

廖愈河

羅鎮綱

合浦縣圖書館  
藏書



B0085969

廖國器

劉潤綱

許瑞棠

譚啟元

郭慶祥

嚴士珍

龍德俊

張卓光

陳玉昆

鍾廣謙

廉貢

教員

附貢

廉州中學畢業生  
廉貢

廉貢

生員

吳運美  
龐英蔚

歲貢

林永江

校讎

合浦縣政府督學

繪圖

生員陸軍測繪畢業優貢  
合浦縣政府技士

許廷毅

劉煒材  
吳道瓊

# 合浦縣志序

民紀庚午之秋 國器奉命歸寧鄉邑瀕和陳省主席 銜樞相語曰邑志失修多歷年所事關桑梓之掌故子其有意於斯乎連履任查考民紀乙卯陸鎮守使 貴備陸縣知事 杏林開志局纂修選員分區採訪乃訂稿甫就緒而此爭迭作兵亂相尋緒市政城四鄉亦遭匪躡浪莽不戢志事因以中輟迄今十有五載原有之命某員採訪員物故大半爰來曾與志事者得別前局長 許箇分纂璫璫任以編輯懷鉛提筆逾一歲而書成夫廉郡鄰接交夷扼兩廣西路遠極亦粵東南路重鎮海岸綫交通便利台浦實附郭焉累朝夷氛寇禍山海兼防當局擘畫經營陳迹具存謀自堪溯雖每續縣志屬於一邑範圍事上下相制前後相承道府繼將之理民整軍不可不備登方策道光間張太守育 十卷 卷續修志記於壬辰精博詳覈蔚然承明著作之才計至宣統辛亥相去垂八十祀此中時事之遷變制度之損益殆更僕難數同光間凌明經 漢林明經 均 皆相繼修縣志未卒厥集所遺鈔本半湮月久悉付草 中旁 盡致數十寒暑之事迹幾同杞宋無幾今自道光壬辰而上取張志所記載者臚列於首以傳高文典冊道光癸巳而降則就存留之訪稿兼廣摭私家之著述折衷參訂新於確當分類凡十有四目爲書凡十有六卷舉土地人民之廣眾典章政教之昭垂治亂得失之流傳名物象數之繁賾旁及輟聞舊事爲志乘所應載者皆弗網羅而紀述之洪纖並錄本末胥賅然則此志告成固足以考見吾縣之歷史而斯文所在經編者鈞藉拾竟從前未竟之功於諸抱遺訂墜之初衷其亦可以不負與哉在元縣涪灘將付刊闕乃敘其原委於 序


中華民國二十有一年春二月廖國器雲程書於合浦縣政府印

## 合浦縣誌序

圖治之方，有關邑乘，非徒藉以考古蹟，徵文獻已也；將以熟悉山川、物產、人情、習尚，得以鑒往知來，因俗施教，故誌書有裨於政治非淺。余於辛巳季夏，攝篆合浦，即留意於此。惟邑中無縣誌，祇有府志，府志成於道光間，至今相距垂八十餘載。縣志編纂凡二次，一纂於清同光間，再纂於民紀初元，均未竟厥業。十八年，邑人廖君雲程，權縣篆，聘劉維三許甘譜兩先生，任以編纂之事。操觚染翰，聚精會神，越一寒暑而書成。祇以經費缺乏，久未付梓，邑中人士，企望甚殷，余因商請第八區行政督察專員鄧公益能，召集原編纂許甘譜及清廩生王遠元諸先生會議，墊款付諸剞劂，於是十年積壓之稿，至今乃印刷竣工。後之官斯土者，手此一編，一為展卷，於地方人文政事，瞭然胸中，竭其力之所可為，而勉其職之所當盡，則是書之裨益為無既矣。

中華民國三十一年十一月十日

合浦縣縣長蘇萍生識



# 合浦縣志卷首

## 附歷修廉州府志原序及其姓名

### 何序

廉郡久闕志余往歲秉鐸珠官時則嘗與東厓巫學博編之已而不果丙午丁未間前守鹿厓胡公又編之而亦不果今余代胡為廉守卒成厥役蓋自己亥迄今十有七年追思此十七年中天時人事幾經嬗更而余自寒氈以膠膺方面在廉不為不久居然一廉陽者舊矣夫國有史郡有志今之郡古之國也今之郡志古之國史也國而不錄其疆域沿革政事風俗禮祥賦役之實是無國也郡亦如之故聯其條貫合其表裏整齊具傳次旁搜博採由前設後而廉志以成攷廉自秦置吏以舉稱為舊封前代未必無志要以屢經離亂失之國朝承平日久聲教四訖而亦闕於志何耶竊嘗論之夫民必資財以生財非農與商無出也廉土瘠薄又糞耘不力漕防不設誚憤農者無逾於廉且宣德以前安南為郡縣凡富商大賈之走安南者以欽廉為水陸總匯而貿違有無者眾矣自安南棄而此為極邊貨財不通商賈不至民第藉薄產之所入而別無營生所贏幾何庠序者儲才之地遼徼士子不識經史為何物其於聖賢大義微言古今成敗得失逸乎其未之聞古人富而後教民貧甚矣教於何有不富不教無以為國蒞斯土者視一官如傳舍恨去之惟恐不速誰是留心掌故彙輯成書為一郡信史哉所以因循觀望歷我朝一百八十年餘年而志未修職此之故惟余竊祿於廉最久誼無敢辭用不揣固陋始之以世紀彷彿編年法也終之以外紀外而夷之也附錄氣於天文併墟市於地理總名制於職官忠孝彙於鄉賢罪放剔於流寓詩文之無關繫者芟之條奏之有裨經濟者錄之書成以語同事曰嗚呼是冊也特紙上空言耳諸君其知余志乎人謂走馬武思之間有陸路馬鑿而闕之僅三里許會於香江則兩廣百貨皆得航入於廣廉可使富也山林川澤大興陂塘俾民旱澇無憂延名宿選俊彥開館郡城優給膏火三年必當有成夫然後使瘴雨蠻煙之警頓闕生面奈何人窮財絀心與力違未果也諸同事曰天下勢而已矣事之所當為而勢不能姑存其說



焉可也功何必自己出名何必自己居第就志言志是則秉筆者之事也余聞之而憬然悟恍然失因書之簡端以見廉之所以爲廉余自司鐸歷郡守夙夜念此至熟也作者其有憂患乎後之覽者鑒諸嘉靖二十四年乙卯廉州府知府閩中福清何御撰

### 徐序

郡縣有志可不出戶庭而周知四邊之故一切興革之宜張弛之用藉以審時識變無所處而不得其當且以寓褒貶彰善惡使人心知所感奮風俗賴以維持其在是乎廉郡僻在邊海自明季迄國初海氛未靖伏莽時驚民之淪於兵火者靡有孑遺康熙六年歲丁未予奉命守廉始至之日所見者荒煙蔓草所接者鳩形鵠面所謂非人非鬼之地亦自訝此身之胡爲乎來也已酉錄童子試每屬家家數人或十餘人所謂操觚講藝者類皆椎髻跣足諮以志書皆茫然不識爲何物有老生揖余而言曰廉人轉徙流離閱十餘年惴惴莫保朝夕今一二遺黎幸延殘喘書籍蕩然安知有志余聞之不覺淚涔涔下憐遐荒邊地不獲蚤沾聖化以至斯極繼思秦火之燬未嘗無書惟河間獻王好古搜羅故聚書最多豈舊志終不可得耶因檄州縣遍訪部(草頭)屋窮簷但有藏本無論全缺許酬厚賞如是三年卒無應者越壬子春奉部牒纂修一統志諸上官徵志甚亟復力督各屬懸重賞購之又焚香祝天曰廉之山川有靈氣運當開文獻其必有徵也如是者又踰匝歲冬十一月有馮紹齡者爲歙江老貢生逡巡抱殘篇以進曰是卽非耶余受而讀之首卷盡亡其半餘缺一二章或二三行者細驗題識歲月乃前明崇禎九年兵備參議張公國鏞郡守鄭公抱素輯本也叩所從來云得自山家土窖中余且喜且悲爰與司馬田益齋及牧令學博儒生校正魚豕或字句磨漫不可讀每以意逆三閱月而脫藁常與諸同事往復討論雖夜漏頌催晨鐘將動未輟也大約明崇禎以前多屬舊錄今則創興伊始訪查未備旁搜廣攬願俟後賢諸同事請悉其端委以弁其書從眾論也惟是舊志亡而復存絕而仍續是則庸之厚幸也夫康熙十二年癸丑廉州府知府三韓徐化民撰

# 田序

嘗讀左氏外傳彷彿十五國風意之所至則言及之劉子政以爲優於內傳取其言之闕也若夫當必欲求詳之日處不得不略之勢而故老之傳述稗史少旁蒐致多闕略則第師外傳之遺意焉可耳廉州爲古合浦名郡孟太守之清風可挹馬伏波之遺蹟猶存謂必有篇年紀事藏名山而傳後人者乃遭灰燼之餘杳不可得可勝悼哉太守徐公下車慨然以復古爲己任睹其經營規畫白廢俱興數年來城郭人民煥然改觀余固知太守早已胸羅廉陽一部令志故措置井井有條特以爲弔古訪遺俾往蹟弗淪沒於荒煙蔓草中以昭示來茲是則繼起者之責也今輯一統全書而廉志獨闕乃每夜焚香祝天以求其精神所格卒得殘編於欽江老生爰集諸儒增損成帙而鍾雨亦時附管窺繼以裏事艸履日營營於鳩工庀材而校讐之役未竣書成郵寄旅次余披圖展卷覺一郡之兵農禮樂治亂興衰山峙水流如歷歷在目若夫鼎新後傳聞異辭者尤必詳加考訂疑信相參者甯慎毋濫往往缺而弗書斯亦意之所至則言及之君子不病其間而弗詳也康熙十二年癸丑二月廉州府同知楚北公安田鍾雨撰

# 王序

廉處粵東極邊明季屢遭兵燹人民流散地方凋敝康熙丁未三韓徐君化民來守是邦慨然思所興復而首求志書三年弗獲會壬子纂修一統志檄取郡縣志書惟廉獨無考徐君叩天默禱多方購求乃得殘篇於欽江爰是因文訪獻參互考訂越明年癸丑而郡志成嗚呼徐君之用心亦良苦矣值哀鴻甫集草昧初開時雖備極搜羅安能詳盡昔國僑之爲命也必由草創討論修飾以收潤色之功何況一郡之志卽一郡之史書也豈不冀後人嗣而修之用垂不朽哉己亥歲金州徐君成棟蒞任勤此事恤民隱自公退食披覽舊篇常掩卷嘆曰廉志自癸丑典修屈指四十九年繼者寥寥將來遺帙散失勢必若壬子以前求土窖中故物而不得悲夫用集僚屬聘博雅取舊志之確然足信者存之採四十九年中所未編者補之列卷下有四集分爲十二志